

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلنی
(۱۳۰) غروشدر .

[نسخہ سی ۵ غروش ،
سنه لکی ۵۲ نسخہ در .]

اداره خانہ

باب عالی جادہ سندہ دائرہ مخصوصہ

اخطارات

آبونه بدلی پشیندر

مسئکہ موافق آثار مع الممنونیه
قبول اولنور . درج ابدلہ بن
یازیلر اعادہ اولونماز .

تشریح

دینی ، فلسفی ، علمی ، ادبی ہفتہ لق مجموعہ اسلامیہ در

واللہ یهدی من یشاء الی صراط مستقیم

باش ہجر
محمد عاکف

صاحب و مدیر مسئول
اشرف ادیب

اتبعون اهدکم سبیل الرشاد

عدد : ۳۶۷

۲۲ ذی القعدہ ۱۳۳۶

پنجشنبہ

۲۹ آگستوس ۱۳۳۴

جلد ۱۵

... عبدالله جودت بك بر محرر آرقادشیه بش کون اولکی برماجراستندن ده او مقاله سنده دم ساز اولیور، دیورکه :

« ... بوکون توفیق فکرت مرحومک اوچنچی سنه دوریه وفاتی مناسبتیه (آشیان) کیتدک . یولده یا عمده عمر لر دن بری بولوندی . یوقوشی بالطبع پایان چقیورق . هوا صیجاقدی . ترلیوردق . یول آرقادشم (بوجنابت یزده نام طاغک تیه سنده ...) دیدی ... »

اخلاق عمومیہ مراقبی عبدالله جودت بکک ذاتاً بو قدرینی بیله نفرت ایتکسزین نقل ایده مندیکم سوزینک آلت طرفیه صحائف مطبوعاتی داها زیاده کیرلیمه جکم . (اجتهاد) صاحی محرر آرقادشک اوتریبه سزجه سوزینی بر حمله ده ادب سزک درجه سنه کوتوره رک زوالی (آشیان) سورولن وصف ملوثی برقیاس مع الفارق وکستاخ بر تشبیه غیر محق ایله - حاشاتم حاشا - روضه مطهره بیغمبری به قدر بولاشدیر مق ایستیور .

بوراده جالب نظر وغنیان آور بر نقطه وار :

۹۳ عماره سنک دیار منزه کتیردیکی فلاکتله نامق کال بک مرحوم ،
عرق بیانی و مبارک وجدانیله اغلا رکن ،
کیت ، وطن ! .. کعبه ده سیاهه بون ،
بر قولک روضه نی به اوزات ،
برینی کربلا ده مشهده آت ،
کاشانه بو هیئتکله کورون ! ..
دیمش و هر کسی سنه لرله آغلا تمشدی .

آمان یارپی ! .. قرق سنه ایچنده نه قدر دکشمش و نه قدر تردی ایتمشز ! .. کچال بک مجروح و معزز وطنک فلاکتلرینه قارشی - او زمان مناطق حرب و جدال دن بک اوزاق قالمش اولان - خوابگاه محمدین کوز یا شریله امداد و تسلیت دینلیور؛ شمدی ایسه حکیم اولدیغنی ، شاعر اولدیغنی اعلان ایدن بر مطرا یاز ، بودقیقه لرده ال فدا کار کوکس لرله - ایمانک مبارک سینه عزیمله - اک خان دشمن دینه قارشى مدافعه اولنقده بولنان بر سر قد عرش - ماهیتی الکیس بر صفتله و عادتا استخفاف واستحقار ایدن بر پرواسزلق و حیاسزلقله آغزینیه و قلمنه طولامق ادب سز لکننده بولنیور .

آستان بلندی اوچیز ملیون اهل اسلامک اون درت عصر دن بری بوسه گاه تجیلی اولان او روضه مطهره بی بو دقیقه ده قانلری و جانلریله مدافعه ایدن قهرمانلر (دوقتور عبدالله جودت) امضای اوستنه بوکلنمش اولان بولوث سطرلری کورر لر سه نه دیر لر ! .. ویا نه دیمز لر ! ..

احمد امین بک ، (دوقتور عبدالله جودت) امضاسندن غزته سنه شرف و احتیاج تنقید و تشهیرینه مدد بکلیور سه بک یا کلپور ! ..

سلیمان نظیف

قوللانیدینی لفظ غلیظی هر نه طرز ده ارلور سه اولسون ذات نبی حقنده عیناً و لفظاً تکرار ایتهمی تزییف و تحقیری اعمدا ایتدیکنک اوچ دلیل بارزیدر . .

حاصلی بومسئله ده مطبوعات و وظیفه سنی ایفا ایتهدی . حکومت ده واقعا غزته بی تعطیل ایده رک نو طاماً بر جزا ترتیب ایتدیسه ده غزته بی اوچ کون تعطیل ایتمکله وظیفه سی ختامه ایرمش صایله ماز . بیله مز ، احتمالک بعض اسباب سیاسی طولانیسیله جزای تعطیلی بو قدر خفیف کیشدیر و ب اصل قانونی ده آریجه ترتیب ایتک اوزره در . دین اسلامک حقوقی قانون اساسیسنک اوچنچی ، دردنجی ، یدنجی ، اونجی ، اون برنجی ، آلمش دردنجی و یوز اون سسکیز ماده لر نده مکرراً تأمین ای دین بر حکومت اسلامیه دن بزم بکله دیکمیز دها آغیر برشیدر . دین اسلامده ال کشید جزا بوجرم منحوسک جزاسیدر . مطبوعات قانونک اون آنتنجی ماده سی ده بویله بر مجرمی بر آیدن بر سنه به قدر حبس ویکرمی عثمانلی آلتونندن یوز عثمانلی آلتوننه قدر جزای نقدی ایله محکوم ای دیور . ینه بو قاتونک اوتوز برنجی ماده سی هیچ بر طرف دن دعوی واقع اولمق سزین مدعی عمومی بی بوجرمی رأساً تعقیب ایله مکلف طوتیور . مع هذا بوستونلرده کی شکایتزده - اصول سز دخی اولسه - دعوی مقامه قائم اولایلیر ظن ای دیورز . بناء علیه باش مدعی عمومی لک سا فقه وطن پروری ایله اولسون ایسه - شاید شیمدی به قدر ایتهمش ایسه - وضع بدایتیه سنه انتظار و قانون اساسینک اون دردنجی ماده سی موجبجه بوسطر لرله حق شکایتزی استعمال ایتدیکنمزی داخلیه ناظری بک اوندی به اخبار ایده رز .

« سیل الرشاد » مجموعه مکره سنه

(وقت) غزته سی ۲۲ آغستوس تاریخی نسخه سنده (دوقتور عبدالله جودت) ادلی بر خاسرک ایکی ستونلق بر یازینسی نشر ، داها طوغریسی تشهیر ایتدی . صریح و یا ضمنی دوچار تعرض اولانلر میاننده فقیرده بولنیوردم . (وقت) غزته سی یازدینم جوابی - غالباً مدار مباحاتی اولان بیطر قله مغایر اولما دیغچون - نشر ایتیه رک (عبدالله جودت) امضای ترهاتی مقدما غفلتله درج ایتمش اولدیغنه ندامت ایتمش بولدیغنی اعتراف کی بر معذرت عجبیه ایله مسئله بی قیامق ایستدی . بن بوراده شخصه عائد سوز لرله مجموعه فاضله کزک قیمتدار صحیفه لرینه بار اولیه جیم . فقط او هدیانلر آراسنده روح اسلامک مطاف تجیلی اولان بر نقطه به تعرض واردی . جوابک بالکز بوبخشه عائد سطر لرینی لطفاً نشر ایله هیئت معصومه اجتماعیه مرکز نه کی مخلوقات علیه ویا علل خلقتله محاط و آلوده اولدیغنی عالمه کوستریکز . جرأت متقدمه سنه رغماً ، (وقت) غزته سی طرف دن نشر اولنق ایستلمین سوز لر مک صوک سطرلری بولردر :